

ქ. თბილისი, მეტეხის ღვთისმშობლის ტაძრის (აღმოსავლეთი ფასადი) სარეაბილიტაციო სამუშაოები ტექნიკური დავალება

❖ პრეამბულა

მდ. მტკვრის მარცხენა სანაპიროს კლდოვან ფერდზე დაფუძნებული თბილისის მეტეხის ტაძარი აგებულია 1278-89 წლებში მეფე დემეტრე თავდადებულის მიერ. ეკლესია ამ ადგილზე თავდაპირველად V საუკუნეში ყოფილა აშენებული; ტაძარი აქ თამარ მეფის დროსაც მდგარა. ცნობილია, რომ XIII საუკუნის ტაძრის გუმბათი XV საუკუნეშია აგურით აღდგენილი. ტაძარმა გადაკეთებები განიცადა XVI-XVII სს-შიც. 1748 წელს მეფე ერეკლე II ირანელების მიერ ციხედ ქცეული ტაძარი ბრძოლით დაიბრუნა და ამ დროს დაზიანებული კედლები აღადგინა. ეკლესიას სარემონტო სამუშაოები ჩაუტარდა XIX ს-შიც.

ტაძრის მხატვრულ სახეში მნიშვნელოვან როლს თამაშობს ჩრდილოეთის ფასადის მთავარი შესასვლელის წინ მოწყობილი, XIII-XIV საუკუნეების კარიბჭე, რომლის ზედა ნაწილს XIX საუკუნეში დამატა აგურით ამოყვანილი ფრონტონი, ხოლო შემდგომ, 1960-იან წლებში ვახტანგ ცინცაძის მიერ დამატებული ფრონტონის ნაწილი მოიშალა და მის ნაცვლად აიგო აგურის დაუნაწევრებელი კედელი სადა რელიეფური ჯვრით.

2015 წელს დაგეგმილია აღმოსავლეთ ფასადის ქვის კონსერვაციის სამუშაოები.

❖ ძირითადი პირობები

მიმწოდებელი შემსყიდველთან შეთანხმებული სამუშაოების გრაფიკის შესაბამისად, სამუშაოების დამთავრებისთანავე წარუდგენს მას ინფორმაციას წერილობითი ანგარიშის სახით გათვალისწინებული სამუშაოების მიმდინარეობის შესახებ. იგი ვალდებულია გაითვალისწინოს შემსყიდველის შენიშვნები და წინადადებები, რაც შემდგომში საფუძვლად დაედება შესრულებული სამუშაოების ანაზღაურებას.

შესრულებული სამუშაოების ანგარიში შემსყიდველს წარედგინება სამ ეგზემპლარად: ელექტრონული ვერსია – კომპაქტური დისკების (CD) სახით (3 ეგზემპლარი), მყარი ასლების სახით (3 ეგზემპლარი), ტექსტური და გრაფიკული მასალის დოკუმენტირებით.

მიმწოდებელი ვალდებულია რეაბილიტაციის დაწყებამდე ძეგლზე დაამონტაჟოს ჩასატარებელი სამუშაოების ამსახველი საინფორმაციო ბანერი, რომელიც უნდა შეიცავდეს შემდეგ ინფორმაციას:

- მესაკუთრე;
- შემსყიდველი;
- მიმწოდებელი;
- ჩასატარებელი სამუშაოს სახეობა.

ტექნიკური დავალების დანართების სახით მოცემულია:

- აღმოსავლეთ ფასადის კონსერვაციის პროექტი PDF ფაილი (დანართი 1)
- შესასრულებელი სამუშაოს დასახელება და მოცულობები (დანართი 2)

სამუშაოების ჩატარებისას ყურადღება უნდა მიექცეს სამუშაოთა შესრულების ხარისხობრივ მაჩვენებელს. სამუშაოების მიმდინარეობისას ახლადგამოვლენილი გარემოებ(ებ)ის გამოვლენისა და მისი დასაბუთების შემთხვევაში, პროექტიდან რაიმე გადახვევა (ან მასში ცვლილება), შეთანხმებულ უნდა იქნეს შემსყიდველთან.

❖ შემსყიდველისთვის გადასაცემი საბოლოო პროდუქცია

წარმოდგენილი პირობებისა და ვადების ფარგლებში მიმწოდებელმა საბოლოო პროდუქციის სახით შემსყიდველს უნდა გადასცეს შესრულებული სამუშაოები, შესრულებული სამუშაოების ანგარიში (საქართველოს კანონის „კულტურული მემკვიდრეობის შესახებ“ მოთხოვნათა შესაბამისად), შესრულებული სამუშაოების აქტები (ფორმა 2) და ფარული სამუშაოების აქტები (საჭიროების შემთხვევაში).

❖ **ნორმატიული დოკუმენტები**

მუშაობის პროცესში მიმწოდებელი ვალდებულია სამუშაოები შეასრულოს მოქმედი სამშენებლო ნორმებისა და წესების მიხედვით.

❖ **სამუშაოთა საბოლოო მიღება**

მიმწოდებელი ატყობინებს შემსყიდველს სამუშაოთა დასრულების შესახებ, თანახმად გეგმა-გრაფიკისა. შემსყიდველი ამოწმებს შესრულებულ სამუშაოებს. თუ შემსყიდველმა სამუშაოები შეაფასა წუნით, დასრულებულად ჩაითვლება სამუშაოები, დეფექტების აღმოფხვრის შემდეგ.

❖ **სამუშაოთა შესრულების ვადები**

შესრულებულ სამუშაოთა ანგარიშის ჩაბარების საბოლოო ვადაა **2015 წლის 20 ნოემბერი**. შესრულებულ სამუშაოთა ეტაპობრივი ჩაბარების ვადები და გრაფიკი დაზუსტებული იქნება პრეტენდენტის მიერ შემოთავაზებული გეგმა-გრაფიკის მიხედვით.

ქ. თბილისი, მეტეხის ღვთისმშობლის ეკლესიის ფასადების რეაბილიტაციის ფარგლებში აღმოსავლეთ ფასადის სრული რეაბილიტაციის ხარჯთაღრიცხვა

| № | სამუშაოების ჩამონათვალი | განზომ. | რაოდენ. | ერთეულის ღირებულება | ჯამი |
|---|------------------------------------------------------------|---------|---------|---------------------|------|
| 1 | ინვენტარული ხარაჩოს მოწყობა შემდგომი დაშლით | მ2 | 150.00 | | |
| 2 | აღმოსავლეთ ფასადის ბიოციდით დამუშავება და გაწნენდა (2 ჯერ) | მ2 | 300.00 | | |
| 3 | აღმოსავლეთ ფასადის ქვებისა და კედლის სტრუქტურის გამაგრება | მ2 | 86.00 | | |
| | სულ: | | | | |
| | ზედნადები ხარჯები არაუმეტეს | 10% | | | |
| | სულ: | | | | |
| | მოგება არაუმეტეს | 8% | | | |
| | სულ: | | | | |
| | საავტორო ზედამხედველობა | 2% | | | |
| | ჯამი | | | | |